

Kev Muab Nyiaj Pab Theem Pib Lwm Thib 6 Rau Chaw Nyob Rau Neeg Tsis Muaj Tsev Nyob, Kev Pab, thiab Kev Pov Thaiv



1. Lub Khoos Kas Muab Nyiaj Pab Chaw Nyob Rau Neeg Tsis Muaj Tsev Nyob, Kev Pab, thiab Kev Pov Thaiv (Homeless Housing, Assistance, and Prevention Funding Grant Program, HHAP) yog dab tsi?

Lub khoos kas muab nyiaj pab lwm thib 6 HHAP tau txais kev tso cai raws li nqe 13 ntawm Tsab Cai Xab Phas (Assembly Bill) 166 (Tshooj 48, Ntawm Cov Kev Cai Lij Choj Uas Sau xyoo 2024); Tsab Cai Hais Txog Kev Noj Qab Haus Huv thiab Kev Nyab Xeeb (Health & Safety Code) 50239) uas tau kos npe ua kev cai lij choj los ntawm Tus Thawj Tswj Xeev Gavin Newsom nyob rau Lub Xya Hlis Ntuj Tim 04, 2024.

2. Dab tsi yog lub hom phiaj ntawm Kev Muab Peev Nyiaj Pab HHAP-6?

Lub hom phiaj ntawm HHAP-6 yog los txo cov teeb meem tsis muaj tsev nyob los ntawm kev npaj thiab kev tsim kho cov khoos kas pab neeg tsis muaj tsev nyob txhua fab thiab cov peev txheej txhij txhua thiab siv tau zoo, thiab los txhawb nqa cov kev nqis peev ntawm tsoom fww, xeev, thiab hauv zos uas twb yeej muaj lawm txhawm rau kom muaj cov kev pab cuam chaw nyob thiab kev txhawb nqa mus ntev ntxiv.



3. Dab tsis yog cov cai teeb tseg ntawm kev pab nyiaj Lwm Thib 6?


HHAP-6 teeb tseg tias kom cov neeg thov yuav tsum tsim thiab ua raws li Txoj Phiaj Xwm Kev Nqis Tes Fab Kev Tsis Muaj Tsev Nyob Uas Muaj Kev Lis Hauj Lwm Txuas Lus Hauv Cheeb Tsam (Txoj Phiaj Xwm Kev Nqis Tes). Vam tias Txoj Phiaj Xwm Kev Nqis Tes yuav piav qhia txog txoj hauv kev uas cov neeg koom tes hauv cheeb tsam yuav ua tau cov txuas mus no:

- Kev siv cov tswv yim uas tsim thiab ceev cia cov kev sib raug zoo thiab mob siab rau cov kev daws teeb meem chaw nyob ruaj khov.
- Ua kom ntseeg siab tias muaj cov kev pab cuam chaw nyob thiab kev txhawb nqa mus ntev.
- Qhia ua rau pom tias muaj cov peev txheej kev pab txaus rau cov kev daws teeb meem chaw nyob ruaj khov ncua sij hawm ntev.
- Qhia ua rau pom tias muaj kev mob siab los daws cov teeb meem kev tsis sib haum xeeb fab haiv neeg hauv cov pej xeeb neeg uas tsis muaj tsev nyob thiab muaj kev muab cov kev pab cuam thiab cov tshwm sim tawm los yam uas muaj vaj huam sib luag rau Cov Neeg Tawv Dub, Cov Neeg Ib Txwm thiab Cov Neeg Xeeb Txawm, Neeg Las Tees, Neeg Es Xias, Neeg Pov Txwv Pas Xis Fiv thiab Lwm Cov Neeg Uas Tsis Yog Neeg Tawv Dawb uas raug feem cuam tshuam tsis zoo yam uas tsis tsim nyog los ntawm kev tsis muaj tsev nyob.



- Rub cov neeg uas tau ntsib kev tsis muaj tsev nyob los koom nrog kom tau txais cov hww tsam uas zoo thiab yam uas muaj hom phiaj los ceeb toom qhia thiab npaj phiaj xwm thiab ua raws li txoj phiaj xwm txhua qib.
- Cov teg dej num muab peev nyiaj pab uas muab chaw nyob thiab kev pab cuam uas ua raws li Housing First thiab muab yam uas tsis muaj teeb meem cuam tshuam, muaj kev ras txog qhov raug mob, thiab mus raws li kab lig kev cai.
- Pab cov tib neeg kom nyob tau los sis tsiv nkag los rau hauv cov chaw nyob uas muaj kev nyab xeeb, ruaj ntseg, ruaj khov.

4. Lub zej zog tuaj yeem tsim tau Txoj Phiaj Xwm Kev Nqis Tes Fab Kev Tsis Muaj Tsev Nyob Uas Muaj Kev Lis Hauj Lwm Txuas Lus Hauv Cheeb Tsam li cas?




Yuav tsum tau muaj zej tsoom li lus pab tswv yim hais txog cov kev ua ub ua no uas muaj cai tau txais HHAP-6 rau txhua tus neeg uas ntsib teeb meem kev tsis muaj tsev nyob, suav nrog cov tub ntxhais hluas. Qhov lus pab tswv yim uas tau txais los ntawm zej tsoom yuav qhia txog qhov kev tawm qauv ntawm Txoj Phiaj Xwm Kev Nqis Tes los ntawm kev txheeb xyuas yam uas muab saib ua qhov tseem ceeb ntawm lub zej zog rau cov kev pab cuam neeg tsis muaj tsev nyob thiab cov peev txheej. Koj yuav tsum tau koom nrog los ntawm kev tawm suab rau koj peb yam uas muab saib ua qhov tseem ceeb tshaj plaws los pab ceev cia chaw nyob thiab txo teeb meem kev tsis muaj tsev nyob.

Raws qab saib cov xov xwm tshiab! Mus saib hauv

[Fresnomaderahomeless.org/](https://fresnomaderahomeless.org/)

Cov Hom Kev Ua Ub Ua No Uas Muaj Cai Tau Txais



Kev Muab Chaw Nyob Ruaj Khov, Cov Kev Daws Teeb Meem Chaw Nyob Yam Muaj Tswv Yim Zoo thiab Nyiaj Pab Rau Kev Ua Hauj Lwm. Suav nrog kev yuav los, kev tsim kho, kev txhim kho thiab kev hloov kho, thiab tu thaj av los sis cov tuam tsev. Suav nrog cov nqi ua hauj lwm rau cov khoos kas xws li Homekey, cov chaw saib xyuas neeg laus, thiab kev txo se vaj tsev.

Kev muab chaw nyob ruaj khov suav nrog cov kev daws teeb meem chaw nyob xws li cov kev hloov pauv tsev tos qhua loj thiab tsev tos qhua me mus ua chaw nyob. Cov nyiaj pab rau kev ua hauj lwm rau cov kev ua hauj lwm txhawb nqa chaw nyob ruaj khov rau cov chaw nyob uas tus nqi tsis kim los sis chaw nyob uas muaj kev pab txhawb tshiab thiab uas yeej muaj lawm. Cov nyiaj pab tuaj yeem txo tau tej kev puas tsuaj ntawm vaj tsev thiab pab them cov nqi kev ua hauj lwm kom cov neeg nyob rau hauv them tau cov nqi xauj qis zog.



Kev Nrhiav Chaw Nyob Ceev. Suav nrog cov nyiaj pab nqi xauj, cov nuj nqis kev tsiv nkag los nyob, thiab cov nyiaj txhawb zog ntawm tswv tsev, xws li cov nyiaj kev ruaj ntseg, cov nqi coos chaw, cov nyiaj siv rau cov kev kho raws li tsim nyog, thiab cov nqi kev nrhiav neeg thiab kev saib xyuas kev sib raug zoo.

Kev nrhiav chaw nyob ceev yuav muab cov kev pab cuam thiab kev pab fab nqi xauj yam uas muaj ciam txwv rau lub sij hawm. Cov hom phiaj yog los pab tib neeg kom tau txais chaw nyob ceev, ua kom muaj chaw nyob txaus ntxiv rau tus kheej, thiab muaj tsev nyob.



Kev Pov Thaiv thiab Kev Pab Ua Kom Txhob Tau Mus Nyob Rau Tej Chaw Nkaum. Suav nrog kev pov thaiv cov neeg tsis muaj tsev nyob los ntawm kev pab them nqi xauj, kev nrhiav chaw nyob uas ceev, thiab lwm cov khoos kas.

*Kev pov thiav thiab kev pab ua kom txhob tau mus nyob hauv tej chaw nkaum txhawb nqa cov pej xeeb neeg uas muaj cai tau txais, suav nrog cov uas “**muaj kev pheej hmoo tsis muaj tsev nyob**”, kom muaj kev nkag tau rau lwm cov kev xaiv uas muaj kev nyab xeeb rau chaw nkaum thiab/los sis tseem muaj tsev nyob uas muaj kev nyab xeeb nyob ntawm lawv qhov chaw nyob tam sim no.*

Cov kev hloov pauv los ntawm cov kev muab peev nyiaj pab lwm tag los:

Kev hloov pauv cov pej xeeb neeg uas muaj cai tau txais los suav nrog “muaj kev pheej hmoo tsis muaj tsev nyob.” Yuav tsum tau tsum kwm ua ntej rau cov tsev neeg uas muaj nyiaj khwv tau txij li los sis qis dua li 30 feem pua ntawm qhov nyiaj khwv tau los qib feem nrab, tus uas them ntau tshaj li 50 feem pua ntawm lawv qhov nyiaj khwv tau los rau cov nqi chaw nyob, thiab tus uas muaj raug raws li tus qauv cai ntawm kev muaj kev pheej hmoo tsis muaj tsev nyob siab tshaj plaws uas siv tus qauv cai uas muaj ntaub ntawv.

Cov Hom Kev Ua Ub Ua No Uas Muaj Cai Tau Txais



Cov Nyiaj Pab Kev Ua Hauj Lwm Txog Chaw Nyob Ib Ncua Sij Hawm thiab Cov Kev Txhim Kho Cov Chaw Nyob Ib Ncua Sij Hawm Uas Twb Yeej Muaj Lawm. Suav nrog kev yuav los, kev txhim kho los sis kev hloov kho tshiab, thiab kev tu xyuas thaj av los sis cov tuam tsev ua chaw nyob ib ncua sij hawm, cov chaw pab cuam coj kev, cov ntawv txo nqi pw tsev so, kev lis hauj lwm txuas lus txog kev pab cuam, cov kev pab cuam uas tsom kwm rau cov tub ntxhais hluas, nyiaj pab tsim cov chaw nyob ib ncua sij uas tsis muaj kev sib koom ua ke tshiab, thiab cov nyiaj pab txhawb nqa kev ua hauj lwm yam tsis tu ncua thiab kev muab kev pab cuam rau cov chaw nyob ib ncua sij hawm uas twb yeej muaj lawm - cov chaw nyob uas sib koom ua ke thiab tsis sib koom ua ke tib si.

Chaw nyob ib ncua sij hawm muab cov chaw nyob ib ntus uas muaj kev nyab xeeb rau cov neeg uas ntsib teeb meem kev tsis muaj tsev nyob, thiab muab cov kev pab cuam txhawb nqa, kev ruaj ntseg, thiab chaw rau khoom ub no.

Cov nyiaj pab rau kev ua hauj lwm rau cov kev ua hauj lwm txhawb nqa chaw nyob ib ncua sij hawm txhawm rau muab kev pab cuam chaw nyob ib ncua sij hawm rau cov neeg uas ntsib teeb meem kev tsis muaj tsev nyob.

Cov kev txhim kho cov chaw nyob ib ncua sij hawm uas twb yeej muaj lawm yuav txhawb nqa kev hloov kho tshiab cov chaw nyob ib ncua sij hawm uas twb yeej muaj lawm los txhim kho lub neej kom zoo rau cov neeg uas ntsib teeb meem kev tsis muaj tsev nyob uas nyob rau hauv lub chaw nyob ib ncua sij hawm.

Cov kev hloov pauv los ntawm cov kev muab peev nyiaj pab lwm tag los:

Tej zaum yuav tsis siv cov peev txheej HHAP-6 los muab nyiaj pab rau cov kev daws teeb meem chaw nyob ib ncua sij hawm tshiab, kom txog thaum ob yam txuas mus no tshwm sim tib si: (1) tus neeg thov tau qhia ua rau pom tias lub cheeb tsam tau muab peev txheej txaus los ntawm lwm qhov chaw rau cov kev daws teeb meem chaw nyob ruaj kho ncua sij hawm ntev thiab (2) tus neeg thov tau txais kev tso cai sau ua ntaub ua ntawv los ntawm Cal ICH. (HSC §50236(c).)

Qhov kev txwv no siv tsis tau rau cov kev daws teeb meem chaw nyob ib ncua sij hawm tshiab rau cov tub ntxhais hluas uas nyob rau hauv qhov kev pab tub ntxhais hluas nkaum feem pau uas tau teeb tseg.

Cov Hom Kev Ua Ub Ua No Uas Muaj Cai Tau Txais



Kev Mus Tau Rau Txoj Kev. Suav nrog cov kev pab cuam khoom nrog ntawm kev, kev tswj xwm txheej, cov kev pab cuam saib xyuas kev noj qab haus huv fab siab ntsws thiab lwm cov kev pab cuam saib xyuas kev noj qab haus huv ntawm kev, kev pab nrhiav chaw nyob, cov kev pab cuam txo kev phom sij, thiab cov kev pab cuam fab kev nyiam huv.

- Kev pab txhawb nqa kev nthuav qhia txoj kev
- Cov kev pabcuam kev koom tes raws li pov thawj
- Cov kev pab cuam tswj cov ntaub ntawv
- Kev kho mob hauv zej zog
- Kev taw qhia vaj tse
- Kev sib koom tes nrog cov kev pab kho mob raws txoj kev
- Kev pab tu cev
- Nkag mus rau cov neeg ua haujlwm, kev kawm, thiab kev cob qhia

Lwm cov kev pabcuam tsim nyog suav nrog cov nqi thiab cov haujlwm txhawb nqa cov neeg uas muaj kev paub dhau los uas tsim nyog los tsim cov pawg thawj coj saib xyuas kev ua neej nyob, thiab pawg thawj coj saib xyuas hluas.

Cov Ntsiab Lus Txhais

“Tshem Tawm Tsis Muaj Tsev Nyob” txhais tau hais tias ib tug neeg lossis tsev neeg muaj feem ntau yuav tsis muaj tsev nyob vim nyiaj tau tsawg, tsis muaj peev txheej, lossis lwm yam.

“Tub Ntxhais Hluas Uas Tsis Muaj Tsev Nyob” Txhais tau tias yog cov tub ntxhais hluas uas nyob ib leeg uas muaj hnuv nyooq li 12 txog 24 xyoo tus uas ntsib teeb meem kev tsis muaj tsev nyob. “Cov tub ntxhais hluas uas tsis muaj tsev nyob” suav nrog cov tub ntxhais hluas uas nyob ib leeg uas cev xeeb me nyuam los sis tu me nyuam.

“Txheej Teg Kev Ua Hauj Lwm Muab Ntaub Ntawv Kev Paub Txog Kev Tswj Neeg Tsis Muaj Tsev Nyob (Homeless Management Information System)” txhais tau tias yog txheej teg kev ua hauj lwm muab ntaub ntawv kev paub uas raug xaiv los ntawm kev saib xyuas yam tsis tu ncua uas ua raws li tsoom fww cov cai teeb tseg txog kev tshaj tawm. Lo lus tias “Txheej Teg Kev Ua Hauj Lwm Muab Ntaub Ntawv Kev Paub Txog Kev Tswj Neeg Tsis Muaj Tsev Nyob” los kuj suav nrog qhov kev siv cov ntaub ntawv uas sib piv tau los ntawm tus kws muab kev pab cuam neeg raug ua phem los sis tus kws muab kev pab cuam fab kev cai lij choj uas tau txais kev tso cai los ntawm nom tswv.

“Chaw Nyob Ib Ncua Sij Hawm” txhais tau tias yog chaw nyob ncua sij hawm luv, uas yog cov hauv kev xaiv thaum muaj xwm txheej kub ntxhov rau cov chaw nyob ib ntus uas tej zaum tam sim no muab hu ua ntau lo lus xws li: chaw nkaum thaum muaj xwm txheej ceev uas sib koom ua ke los sis tsis sib koom ua ke; cov chaw pab cuam coj kev; chaw nyob pab cuam rau ib nyuag ntu; chaw so dhau kev; los sis lwm yam qauv tsev los sis lwm lo lus uas tsis kom cov neeg nyob rau hauv kos npe rau daim ntawv cog lus xauj los sis daim ntawv cog lus mus nyob rau hauv.

“Assertive Community Treatment” yog ib qho kev pab cuam kho mob puas hlwb hauv zej zog uas pab cov neeg muaj mob puas hlwb xws li kev kho mob, kev kho mob thiab kev pab txhawb nqa.